

## Protocol da la radunanza cumünala dal cumün da Valsot dals 20 avrigl 2012

Il capo da la suprastanza ad interim, Victor Peer, salüda a la prüma radunanza cumünala dal cumün da Valsot.

Sco dombravuschs vainan elets Cla Duri Janett e Cla Nogler  
Per quista radunanza sun preschaints 69 vontantas e votants dals cumüns politics da Tschlin e Ramosch. S-chüsats s'han Raffaele Soldano, Angelo Andina e Corsin Casura.

La glista da tractandas vain approvada cun gronda majorità.

### 1) Vopna dal cumün da Valsot

La cumischiun eraldica ha inoltrà trais propostas da vopnas chi vegnan in dumonda pel cumün da Valsot. La suprastanza ad interim propuona a la radunanza cumünala d'approvar la vopna quia suotvart:



La radunanza cumünala da Valsot approuva unanimamaing la vopna sco preschantada.

### 2) Constituziun cumünala da Valsot

Victor preschainta la constituziun cumünala in repassond artichel per artichel.

La proposta da müdar i'l artichel 6 la lingua ufficiala da "rumantsch ladin" sün "rumantsch vallader" vain approvada cun 42 vuschs.

Cun 52 vuschs approuva la radunanza il müdamaint dal artichel 10 chi tuna nouv seguaintamaing: "La dürada d'uffizi da las autoritats cumünalas importa quatter ons. Ils commembers d'ün'autorità cumünala pon gnir **reelets** pel listess uffizi per il plü da tuot üna perioda d'uffizi **successiva**. Sch'ün suprastant cumünal in uffizi vain elet sco capo cumünal, cumainza la perioda d'uffizi da nouv. Il capo cumünal po gnir **reelet** per il plü da tuot duos periodas d'uffizi **successivas**. Davo ün'interrupziun d'üna perioda d'uffizi es mincha ufficiant darcheu elegibel **in ün uffizi in seis uffizi da plü bod**."

Il müdamaint dal artichel 37 vain approvà unanimaing. Tal tuna davu l'approvaziun seguaintamaing: "... Decisiva es pro la votaziun averta la majorità absoluta **dals votants da las vuschs valablas**. In cas da parità da las vuschs decida il capo cumünal ..."

Sün giavüsch d'ün votant vain l'artichel 39 repassà amo üna jada dal jurist chantunal.

Il capo suottametta la constituziun cumünala da Valsot culs müdamaints surmanzunats ed eventuels müdamaints davart da las instanzas chantunalas a la radunanza. Tala approuva la constituziun cun 66 vuschs.

### 3) Ledscha d'impostas da Valsot

La ledscha d'impostas vain repassada artichel per artichel.

Al artichel 13 alinea b) vain agiunt cha chans da retscherchas sajan eir deliberats da l'imposta da chans. Quist müdamaint vain approvà unanimaing da la radunanza.

Il capo suottametta la ledscha d'impostas a la radunanaza. Tala approuva unanimamaing la ledscha culs müdamaints surmanzunats.

#### 4) Orientaziun elecziuns cumün Valsot


In mai vain fatta üna publicaziun sün la quala pon s'annunzchar interessents per las differentas caricas. Las personas in carica survainan la pussibilità da communicar sch'ellas as mettan a disposiziun per qualche carica pel cumün Valsot o na. In gün vain fatta la publicaziun per la radunanza d'elecziun chi ha lö ils 18 gün 2012 a las 20.15 a Strada. Implü vain datta cuntschainta la glista d'interessents per las caricas. A la radunanza pon gnir fattas ulteriuras propostas per candidats.

#### 5) Varia

Da quista tractanda nu vain fat adöver.

Tschlin, 23 avrigl 2012

Victor Peer, capo ad interim:



Ladina Luppi, actura ad hoc:

